

sora la Piazza, et cussì ozi veneno *etiam* i dotori lezeno, per comparer da matina in Colegio, dolersi di sier Marco Antonio Loredan capitano di Padoa, che contra i statuti dil Studio ha dato 3 seassi di corda a uno scolaro zovene mantoan, nominato Giacomo . . . , qual è quieto più che scolaro sia in Padoa; sichè quel Studio è in gran combustione. Veneno *etiam* li rectori dil Studio, legisti et artisti.

Da poi disnar, fo Gran Consejo. Fato Consolo in Alexandria sier Sebastian Zorzi qu. sier Lorenzo da sier Polo Bembo, fo Cataver, qu. sier Hironimo, che vene di triplo, et rimase di molte balote. Di Pregadi sier Matio Vituri, fo di Pregadi per danari, qu. sier Bortolamio; sichè non si varda più come se vardava l'anno passato et questo anno. Et fato principio a far li XL zivil novissimi, e tutte le voxe passono.

Fo publicà libro di debitori di le 30 et 40 per 100 di Governadori de l'intrade, di la limitation nuova, et non pagando in termene de zorni 8, se farà il primo Gonsejo in loco loro, justa la parte presa ne l'Excellentissimo Consejo di X.

Fo chiamati 20 zentilhomeni andar a levar da matina monsignor di Telegni orator dil re Christianissimo, et condurlo a l'audientia, et in questo numero fo chiamati do, che non erano di Pregadi: sier Nicolò Tiepolo el dotor, e sier Hironimo da cha' Tajapiera el dotor. Per il che, visto la poliza il Colegio di chiamati, mandono Bortolamio Comin secretario a Consejo, a dir a la Signoria non facesseno vegnir questi do per non esser di Pregadi, et ne chiamaseno altri 6; et cussì fo fato. Et li chiamati noterò qui avanti. *Etiam* fo deliberato darli audientia in la sala de suso. Et mandato a invidar tutti li Procuratori vengino in Colegio per mostrar più gravità, et vestiti di color, ch'è cossa più non fata per venuta di alcun signor e altri in questa terra.

255 * *Questi sono li zentilhomeni tutti di Pregadi è zonti, chiamati ozi.*

Sier Andrea Badoer el cavalier, fo Cao dil Consejo di X.

Sier Gabriel Moro el cavalier, è di Pregadi, qu. sier Antonio.

Sier Antonio Surian dotor e cavalier, fo al luogo di Procurator, qu. sier Michiel.

Sier Lorenzo Orio dotor, fo avogador, qu. sier Polo.

Sier Lunardo Emo, fo consier, qu. sier Zuan el cavalier.

Sier Orsato Justinian, fo Cao dil Consejo di X, qu. sier Polo.

Sier Zacaria Loredan, fo podestà e provedador a Crema, qu. sier Luca.

Sier Nicolò Lippomano, fo provedador al Sal, qu. sier Francesco.

Sier Thomà Michiel, è di Pregadi, qu. sier Zuan Matio.

Sier Marin Sanudo, è di la Zonta, qu. sier Lunardo.

Sier Francesco Foscari, fo cao dil Consejo di X, qu. sier Nicolò.

Non. Sier Priamo Da Leze, fo cao dil Consejo di X, qu. sier Andrea.

Sier Almorò Donado, fo podestà a Padoa, qu. sier Piero.

Non. Sier Alvixe Bon, è di la Zonta, qu. sier Otavian.

Sier Bernardo Marzelo, fo provedador a le Biave, qu. sier Andrea.

Non. Sier Valerio Marzelo, fo podestà e capitano a Ruigo, qu. sier Giacomo Antonio cavalier.

Non. Sier Zuan Vituri, è di la Zonta, qu. sier Daniel.

Sier Ferigo da Molin, è di Pregadi, qu. sier Marco.

Sier Marco Antonio Venier el dotor, provedador al Flisco, qu. sier Christofolo.

Item, questi altri fono i azonti.

Sier Beneto Dolfìn, fo savio a Tera ferma, qu. sier Daniel.

Non. Sier Zuan Capelo, fo avogador di comun, qu. sier Francesco.

Sier Batista Valier, è di Pregadi, qu. sier Hironimo.

Sier Zuan Antonio Dandolo, è di Pregadi, qu. sier Francesco.

Sier Alvise Bernardo, è di Pregadi, qu. sier Piero.

Non. Sier Zuan Dolfìn, fo avogador di comun, qu. sier Nicolò.

Sier Hironimo Barbarigo, è di Pregadi, qu. sier Andrea.

Et da poi Consejo la Signoria si reduce in Colegio per aldir li daciari di Bergamo con li Provedadori sora la mercadantia. Non vi fu il Doxe, et parlò sier Andrea di Prioli uno di provedadori prediti, in favor di la Signoria per mantener la letera scritta,